

INUIT ATAQATIGIIT

INATSISARTUNI



Inatsisartut suleriaasianni § 37 naapertorlugu Naalackersuisunut ima apeqquteqaateqarpunga:

1.

Euratom-imik suleqatigiinnissamik isumaqatigiissut suna Naalackersuisooqatigiinnissamik isumatigiissummi innersuunneqarpa? Qanga isumaqatigiissutigineqarpa, illuatungeriit kikkut akornanni, qanoq kinguneqartussaava, Kalaallit Nunaannilu inatsisinut qanoq sunniuteqassava?

2.

Inatsit pineqartoq atorlugu uranimik paaalluni atuinissamik akuersissut itigartinneqarsinnaava, ingerlatseqatigiiffiup inatsimmi piumasaqaatit piviusunngortissimappagit?

3.

Kalaallit Nunaata IAFA-p isumannaallisaaneq pillugu isumaqatigiissutaanik akuersinissaata tungaanut, Naalackersuisut uranik paaalluni atuinissamik akuersissuteqarnissaq kinguartissinnaavaat? Imaluunniit atuinissamik akuersissutip nassiunneqarnerata malitsigisaatut isummertoqartussaava?

4.

Kalaallit Nunaata uranimik avammut nioqquteqartunngornissaanut pilersaarutit ersarissut suuppat? Inatsisit isumaqatigiissutillu suut atuutsilerneqassappat, atorfeqarfiit nutaat suut pilersinneqassappat, immikkuualuttunullu ataasiakkaanut piffissaliussat suuppat? "Uranimik piaaneq avammullu nioqquteqarneq" pillugu oktober 2013-imi nalunaarusiami inassuteqaatit Naalackersuisut maleruarniarpaat?

5.

Piaanermi uranimik akoqassutsip qaffasinnerpaaffissaa, Naalackersuisooqatigiit isumaqatigiissutaanni pineqartoq, pillugu Naalackersuisut qaqugu siunnersuummik saqqummiissamaarpat?

6.

Naalackersuisooqatigiit 1 %-imik qaffasinnerpaaffiliinissaq naammaginartutut isigalugu isumaqarnerannut suna tunuliaqutaava? Akoqassutsip 1% qulaappagu ataappaguluunniit uranip suna allaassutigissavaa?

7.

Europami uranimik paaanermi 1 %-imik qaffasinnerpaaffiliisoqarsimanginnera Naalackersuisut uppersarumavaat?

8.

Naalackersuisut uppersarumavaat, Euratom-ip iluani qaffasinnerpaaffiliinermi pineqartutuaq tassaamat qaqugukkut yellowcake nakkutilliiffigineqartassanersoq, yellowcake-mullu killiunneqarsimamat 1% taannaluunniit qulaallugu?

9.

Inatsisartuni amerlanerussuteqartut siuliisa Aatsitassat pillugit inatsimmi, aatsitassat radioaktiviisut pillugit immikkut malittarisassaliornissaq itigartippaat. Naalakkersuisut siuliisa aatsitassat radioaktiviisut pillugit immikkut inatsisiliortoqarnissaanik pisariaqanginneraanerat, Naalakkersuisut isumaqatigivaat?

10.

Thorium-ip – aamma radioaktiviisup Kuannersuarnilu nassaassaasup – piiarnerani qaffasinnerpaaffiliinissamik Naalakkersuisut pilersaaruteqarpat?

11.

Naalakkersuisooqatigiit isumaqatigiissutaanni allaqqavoq aatsitassat qaqutigoortut aatsaat piiarneqarsinnaasut IAES-ip isumannaallisaaneq pillugu tunaartarisassiai piviusunngortinneqarsimappata, aamma Euratomip suleqatigiinnissamik isumaqatigiissutaani piumasaqaataasut piviusunngoretinneqarsimappata. IAFA-p imaluunniit Euratom-ip arlaannaataluunniit aatsitassanik qaqutigoortunik piianeq isummersorfingngikkaat, taamaallaalli aatsitassanik radioaktiviisunik sammisaqartut, Naalakkersuisut uppersarumavaat?

12.

Uranimik piiarnerup – saniatigut piiarneqarnera pingaarnertulluunniit piiarneqarnera apeqqutaatinngit – akuerisaanera, Naalakkersuisut uppersarumavaat? Aamma Naalakkersuisut nassuiarumavaat, saniatigooralugu piaaneq aamma pingaarnertut piaaneq qanoq paasinerlugit? (Inatsisartunut ilaasortaq, Naaja H. Nathanielsen, Inuit Ataqtigiit)

Tungavilersuut

Naalakkersuisooqatigiit isumaqatigiissutaanni allaqqavoq, aatsitassat qaqutigoortut Kuannersuarni aatsaat piiarneqalersinnaasut, inatsisit malinneqarpata. Pisortat inatsisinik maleruaanissaat pissusissamisuuginnartutut isigivarput, apersuusernagulumi.

Aamma maluginiarparput Naalakkersuisooqatigiit isumaqatigiissutaanni allaqqasoq, piumasaqaatinik piviusunngortitsinerup kingunerissagaa, IAEA-p isumannaallisaaneq pillugu tunaartarisassiai aamma Euratom-ip suleqatigiinnissamik isumaqatigiissutaani piumasaqaatit piviusunngortinneqarsimassasut.

Saniatigut Naalakkersuisooqatigiit ilimasaarutigaat piiasoqarnerani uranimik akoqassutsip qaffasinnerpaaffissaanik Inatsisartunut siunnersuuteqalersaarlutik.

Inuit Ataqtigiinniit tupaallaatigivarput Euratom-ip sinaakkusiussaasa iluanni Kalaallit Nunaata akuliunneqarfigisaanik isumaqatigiissuteqartoqarsimammat. Tamatuma saniatigut nalornivarput aatsitassarsiormik ingerlatseqatigiiffik qanoq piumaffigineqarsinnaanersoq, piumasaqaatit taakku inatsisini atuuttuni allassimangippata.

Siumoortumik qinnutigissavara apeqqutit tamarmik ullut suliffiit qulit ingerlanerini akineqassasut.